




BARAZA LA TAIFA LA HIFADHI NA USIMAMIZI WA MAZINGIRA (NEMC)

UDHIBITI WA KELELE NA MITETEMO

Kelele ni nini?

• Tafsiri ya kawaida

Kelele ni sauti kubwa na ya kuudhi isiyohitajika na inayosababisha hisia zisizofurahisha au kero kwa anaye zisikia



• Tafsiri ya kisheria

Kifungu cha 3 Sheria ya Mazingira, 2004

Kelele ni kila uchafuzi usababishwao na sauti ambayo kwa asili inakataliwa au ile iwezayo kusababisha athari mbaya kwa afya ya binadamu, maisha au mazingira; pia ni pamoja na sauti iwezayo kubainishwa na Kamati ya Taifa ya Viwango vya Mazingira.

Vyanzo vya kelele

Kelele chafuzi husababishwa na shughuli mbalimbali za kibinadamu. Shughuli hizo ni kama zifuatazo; ujenzi, nyumba/kumbi za starehe, shughuli za viwanda, nyumba za ibada, vyombo vya usafiri, magari ya matangazo n.k



ATHARI ZA KELELE

- 1 Wanafunzi Kushindwa Kujisomea
- 2 Husababisha Ulemavu wa Usikivu
- 3 Kuharibu Mahusiano ya Kijamii
- 4 Kukosa Usingizi
- 5 Kukosesha Wagonjwa na Wazee Mapumziko
- 6 Huathiri Mawasiliano



NJIA ZA KUDHIBITI SAUTI ZILIZOZIDI VIWANGO NA MITETEMO

- I. Wamiliki wa kumbi za starehe/burudani kutumia vidhibiti kelele (sound proof) na vipima kelele (sound meter).
- II. Wamiliki wa biashara kuhakikisha wanapata vibali kutoka mamlaka husika vinavyoambatana na masharti ya uendeshaji wa biashara/ shughuli zinazopelekea sauti zilizodi kiwango.
- III. Kuzingatia matumizi sahihi ya ardhi unapotaka kujenga kwa ajili ya shughuli inayozalisha sauti zilizozidi viwango.

SHERIA NA KANUNI

I. Sheria ya Mazingira, 2004 Kifungu 106(5)

- ❖ (5) Si ruhusa kwa mtu yeyote kupiga kelele au kusababisha kelele kuzidi kiwango kilichoainishwa au kitakachobainishwa kuhusiana na upigaji kelele.
- ❖ (6) Litakuwa ni kosa kwa mtu yeyote kumwaga uchafu au kupiga kelele bila kuzingatia njia iliyobainishwa kuwa ni bora katika Kanuni zinazoweza kutungwa na Waziri.

II. Kanuni za Usimamizi wa Mazingira za Viwango vya Udhhibiti wa Kelele na Mitetemo za mwaka 2015

Katika kudhibiti kelele na mitetemo, Waziri mwenye dhamana ya mazingira kupitia Kifungu cha 230(2)(s) cha Sheria ya Usimamizi wa Mazingira Sura 191, mwaka 2015 alitunga Kanuni za Usimamizi wa Mazingira za Viwango vya Udhhibiti wa Kelele na Mitetemo za mwaka 2015 (Tangazo la Serikali Na. 32 la mwaka 2015).

Madhumuni ya Kanuni hizi ni ;

- Kuhakikisha ulinzi wa afya ya binadamu na mazingira kwa kudhibiti viwango vya kelele na mitetemo kutoka vyanzo mbalimbali vya kelele na mitetemo.
- Kubainisha viwango vya juu vya kelele vinavyoruhusiwa kutoka katika shuguli mbalimbali.
- Kuweka udhibiti wa kelele na mitetemo na namna bora ya kuzuia adhara zinazoweza.

Viwango vya sauti vinavyoruhusiwa

Viwango vya kelele na mitetemo vilivyoruhusiwa na vinavyoweza kuvumilika kwa nyakati za mchana na usiku kwa mujibu wa Kanuni hizi kama ifuatavyo;

MAHALI/ENEO	MUDA NA VIWANGO VINAVYO RUHUSIWA	
	Mchana (12.00 Asubuhi-4.00 Usiku)	Usiku (4.00 Usiku-12.00 Asubuhi)
Viwandani	85 dBA	65dBA
Makazi mchanganyiko, biashara na Burudani	55 dBA	45 dBA
Makazi viwanda vidogo na biashara	65 dBA	50 dBA
Biashara	75 dBA	50dBA
Maeno ya hospitali, Taasisi za elimu, kumbi za mikutano, makazi wa wazee, na maeneo ya mapumziko.	45dBA	35dBA



Mkurugenzi Mkuu
Baraza la Taifa la Hifadhi na Usimamizi
wa Mazingira (NEMC)

Kambarage Tower, 6th Floor
P.O Box 2724, Dodoma, Tanzania,
Tel: +255 26 2960 098, +255 713 608 930.
Nukushi: +255 22 277 4901, Whatsap: +255 737 796 252
Email: dg@nemc.or.tz | Website: www.nemc.or.tz



@nemctanzania



Namba ya dharura: 0800110116



www.nemc.or.tz



NEMCTVTanzania

#MazingiraYetuUhaiWetu